

萬有文庫

第二集七百種

王雲五主編

甌北詩鈔

(二)

趙翼撰

商務印書館發行

甌北詩鈔

(二)

趙翼撰

萬有文庫

第二集七百種

總編輯者

王雲五

商務印書館發行

甌北詩鈔七言古二

途遇大雪

先生身將作火鼠。去向炎方嘗溽暑。豈知寒酸緣未斷。還須歷盡冰霜阻。征途連日朔風厲。曉來風止稍和煦。化工何處萬剪刀。剪出玉蝶滿空舞。又疑揉碎華鬢雲。噴下層霄壓九土。混茫直泛洋伶仃。晃眩豈辨谷子午。世界幻入兜羅綿。恍見洪荒萬萬古。青山未老白頭催。枯樹不花素囊補。墮地無聲膩若烟。伺隙善入狡於雨。絕無人跡難問途。見有漁舟始知浦。壓馬真看有腫背。墮車或不慮折股。先生畏冷又畏濕。亟下輿帘塊獨處。如曷旦鳥寒自號。比紇干雀凍不語。此行正要褰幃帷。翻閉巾車作處女。偶妙乃爾枚

五人墓

駕帖來。逮吏部。吳民號。旂尉怒。大聲呼。因趣對簿。誰何健者揮老拳。狐鼠紛紛竄無路。博浪一椎全秦動。北軍盡袒諸呂懼。豈惟激變事可駭。緹騎從此不出捕。君看德陵晏駕時。奸饕薰天勢已固。點將錄早打網盡。頤璫祠皆向火附。詎有蕃武收黃門。并無訓注謀甘露。縱撰九錫盜神器。中外臣僚孰枝梧。正慮草澤有君等。或起義旗挽天步。奸謀坐是不敢發。信邸從容來踐阼。乃知此舉功實偉。又延十七載國祚。我來懷古過墓旁。彷彿生氣尚盤互。相傳地卽普惠基。幻出神奇從臭腐。媚奄翻奉擊奄人。蟬綏蟹筮理難

悟襟山帶水一佳城。卜吉者誰毛一簣。墓基卽普惠祠。毛一子才此題亦有一首專以偏師勝此。從大處立論故是堂堂正正之旗。枚。

岳忠武墓

背嵬軍來敵鋒避。撼岳難撼山易。樞密使罷賊疏彈。縛虎易縱虎難。宰木蒼蒼向南拱。此是改葬祁連塚。祠前已植分屍檜。明同知馬偉所植。更鑄烏金長跪竦。都指揮李隆所鑄。卻憶圓扉橫實時。格天閣秘無人窺。橐籥安有因笑。壓拉脇遠定柑剗皮。鐵椎郎君戮都市。銀瓶弱女投井湄。全家簿錄赴嶺表。僅有獄卒潛瘞尸。順。百戰不死死牢戶。從古冤禍無此奇。邪正由來冰炭異。奸臣逞毒何足計。獨怪思陵非甚暗。曾寫精忠鑒素志。是時權相日尙淺。未至鞞刀嚴戒備。言官誣劾韓良臣。猶能力持格羣議。胡獨於公任羅織。自壞長城檀道濟。千載人思贖百身。當年獄竟成三字。乃知風旨本朝廷。爲梗和戎亟拔釘。可惜垂成功八九。少緩須臾兀朮走。生平誓踏賀蘭山。未飲黃龍一杯酒。空令敷天抱冤憤。恢復初心豈願有。豐碑突兀西湖濱。孤忠雖雪志未伸。有時風號怒浪起。猶似熱血蟠輪囷。鬱勃頓挫。岳墓詩。斷無有出其右者。保泰。

大石佛歌

是誰鑿破山骨裂。幻出如來身半截。淨磨頑石生面開。剜空危崖全軀突。昂藏十丈端正相。憑高氣欲俯一切。蟲雲紺殿僅可容。聳翠遙峯迴相埒。耳輪縱未廣成市。指節已看粗似椹。繫腰豈但十圍帶。束肚知費幾許篋。伸脚恐踏杭州城。法座不琢跏趺結。巨無霸頭大枕鼓。狄僑如眉高見軼。相形尙覺成侏儒。何

況僬僥等螻蟻。我聞佛教色卽空。眞諦不在崇像設。華嚴樓閣彈指現。陶輪世界隨掌擲。斯特維摩寓言耳。廣長舌豈論尋尺。胡爲翻事捫籥求。作此狡獪傲鷗嚇。粵稽象教本西來。休屠金人著史策。眞形繼入漢帝夢。塗像旋起管融役。見後漢書陶謙傳此實莊嚴佛事之始爾後踵襲遂流播。土木莊嚴日顯赫。或慕法相雕梅檀。或范慈容鑄鑛鐵。或同黃胖搏泥成。或被蘇扛爲銀竊。鏤牙刻玉矜貴重。撚蠟燒盜鬪奇闢。爭新炫異無不有。最大莫如斲山石。僧護鑄留寶相寺。曇曜鑿出武州壁。六十快牛拽不動。十層峭閣蓋還窄。額珠量可八石容。慧燈油須萬盆炙。此地秦皇纜船處。相傳下通海眼碧。宣和異僧思淨發誓願。奇觀遂剏頽人頽。想見懸空施斧椎。剗剛功深歲月積。妙讚猶傳甄生句。南宋甄龍友有讚巧塑不數楊惠蹟。我來瞻禮一調笑。龐然其大究何益。倘灌醍醐須萬斛。若製袈裟要千帛。持履歸難寸步移。乘杯渡恐連頂滅。甯復手作兒羅軟。安有毫映琉璃白。徒負擎天拄地形。欲以皮相誇雄傑。得無選佛亦貌取。固將以此爲巨擘。每於微引處讀弄家賞實

亦由腹笥便便故絡繹奔赴枚

陽朔山

昔聞陽朔山。自非打人脣綻齒折不得見。我今卻因典郡來。看盡峯巒勢詭變。扶輿氣入南條漸嵒窳。瘦出青孱一片片。皮不裹骨石岩嶸。舌可入喉穴漏穿。去聲蒼根拔地起突兀。削鐵孤撐絕旁緣。去聲或如覩女擁高髻。或如武夫載峨弁。或倂而立忽拘項。或偃而走又仰面。或翹駢拇岐有枝。或露髻頂禿無髻。峯岬

或負最肩碑，空嵌或鎖支祁鍊。直或哮虎尾能豎，曲或怒牛角堪戰。上豐下銳或卓錐，節斷身連或累顛。肖形想各有名字，不暇一一詢土諺。但覺無數青螺螭，撒來倒插江岸徧。又疑機括發地弩，仰空激射千枝萬枝箭。惜哉劍南樵客井西道人俱未到，誰寫奇峭入素絹。胡爲世眼無定準，憎者詆謫愛者羨。談不容口楊侍郎，除官南來詫榮選。或言兩頭之蛇千仞翼，一錢不值人所賤。我爲平心主公論，銖兩默較嚴最殿。蘊藉殊少雅人致，刻削亦類高士狷。石不能言應點頭，真面匡廬乃全現。

過昭平峽

順流方駛忽艤舟，云有急峽在下頭。經旬積雨今幸霽，肯聽柁師輕逗遛。一鞭驅之速拔棹，岸上人呼開不得。開不得已難繫，渴驥奔泉脫銜轡。忽然入峽勢迫束，萬疊盤渦滿江沸。水如強弩將柁送，石似怒牙向船伺。千丈深有蛟龍饒，一綫窄防劍矛利。至此慄然始懼色，上不到天下無地。坡公已駭無射鐘，幼安并愁不冠廟。渾脫水帶那及儲，急取朱書神禹字。渡水者以朱書禹字在手，則不涸。見釣磯立談。五石漫思大瓠浮，一壺安得中流備。手持艤門三尺板，設有不測惟此倚。斯須出峽波稍平，柁師酌酒來壓驚。官是未經風浪惡，勸官遇險勿趨程。噫嘻乎，人生用壯信易敗，書紳謹誌瀧吏話。忠臣雖有叱馭時，孝子須念臨深戒。

樹海歌

自下雷州至雲南開化府，凡與交趾連界處八百里，皆大箐望之如海，爰作歌紀之。

洪荒距今幾萬載。人間尙有草昧在。我行遠到交趾邊。放眼忽驚看樹海。山深谷邃無田疇。人烟斷絕林木稠。禹刊益焚所不到。剩作叢箐森遐陬。托根石罅瘠且鈍。十年猶難長一寸。徑皆盈丈高百尋。此功豈可歲月論。始知生自盤古初。漢柏秦松猶覺嫩。支離天矯非一形。爾雅箋疏無其名。肩排枝不得旁出。株株擠作長身撐。大都瘦硬榦如鐵。斧劈不入其聲鏗。蒼髯蝟磔烈霜殺。老鱗虬蛻雄雷轟。五層之樓七層塔。但得半截堪爲楹。惜哉路險運難出。僅與社樸同全生。亦有年深自枯死。白骨僵立將成精。文梓爲牛楓變叟。空山白晝百怪驚。綠蔭連天密無縫。那辨喬峯與深洞。但見高低千百層。併作一片碧雲凍。有時風撼萬葉翻。恍惚諸山爪甲動。我行萬里半天下。中原尺土皆耕稼。到此奇觀得未曾。榆塞鄧林詎足亞。鄧尉香雪黃山雲。猶以海名巧相借。況茲蒼翳徑千里。何啻澎湃重溟瀉。怒籟吼作崩濤鳴。濃翠湧成碧浪駕。忽移渤海到山巔。此事直教髡衍詫。乘籃便抵泛舟行。支筇略比刺篙射。歸田他日得雄誇。說與吳儂望洋怕。

響水塘

深山鏗鏜殷雷鼓。人馬不敢獨行踽。不知聲從何處來。但見晴天灑白雨。天下瀑布皆下垂。茲獨仰歎向穹宇。建瓴萬斛方急落。有石觸之怒於虎。轟然騰出三百尺。雪雪萬矢發地弩。渾疑神龍下取水。倒捲江湖滿空吐。小者如珠大如雹。激射甯煩桔槔戽。濕氣滃似烟濛濛。碎沫濺成霧縷縷。力殺去聲乃漸斜飛下。

忽又拘作廻波舞。有時天風來。夏之飄過隔峯點三五。噫嘻乎。誰將珠玉唾九天。亂落星河日卓午。人間乃有過潁水。水經狹陋弗及譜。不因于役走遐荒。奇景何由快目睹。

娘娘叫狗山

上有廟。塑一老姥。又鑄銅犬于旁。

蒼松參天山拔地。孤雲一握崇祠倚。中有仙姥趺坐深。黃耳鑄銅案旁侍。相傳武侯昔南征。夜迷失道絕探偵。忽聞此姥一呼犬。尋聲得路始度兵。茲事史策軼不睹。像設莊嚴非無故。宛如獨母撫鵲倉。莫疑帝女偶槃瓠。獨思公也真天人。綸巾羽扇將略神。削木能爲牛馬運。壘石便作蛇鳥屯。天南孟獲小醜耳。謀非仲達勇豈愾。渡瀘來宜唾手取。無煩搏兔全力振。擒之縱之弄股掌。何異兒戲軍棘門。豈知當日實勞瘁。手提孤軍入荒昧。卽此徬徨覓路時。想見深宵不能寐。照夜安得流螢光。識途已窮老馬智。陰陵或慮漢卒圍。荒谷行愁楚將縊。若非此嫗爲導引。何異羝藩困危地。功成千古傳美談。局中之人幾心悸。乃知古來立事功。未有不出危苦中。十倍之才尙艱阻。何況人本非英雄。我來懷古鞭梢控。恰值征蠻兵事動。從軍敢歎身獨勞。料敵端資策能中。陰符不望驪母傳。方物終期旅獒貢。

易羅池

在永昌九龍山下。池有珍珠泉甚甘。

我家住近九龍山。第二泉名播人寰。萬里吟鞭到金齒。誰知山名適相似。山下亦有泉涓涓。風味依稀比甘美。方塘半畝甃四隅。塘底迸出瑟瑟珠。斜飛直濺千萬顆。碎若泡沫無根株。水底安得風捲入。有時晃

漾偏縈紆。輕圓粒粒手可捉。將到波面忽又無。是誰倒插花欺壺。應有地軸轉轆轤。不然驪龍睡其下。領中百琲隨噏呼。可憐游魚尾直豎。爲吸水根皆俯趨。乃知山空乳滿腹。晝夜不斷流清腴。龍泉之亭跨其上。虛窗不用繭紙糊。亭前琉璃三百畝。泉所流出匯作湖。長隄未栽綠楊柳。碧浪已長青菰蒲。迷離烟雨倏迴合。彷彿一幅江邨圖。我來幕府參戎務。官比馬曹聊備數。偶然投罫出城來。拄笏看山輒日暮。閒揀棋槍淪茗嘗。齒頰清芬似甘露。陸羽茶經愧未編。贊皇水遞愁無路。踪跡鴻泥信偶然。故鄉拋卻竹爐烟。那知絕域瀾滄外。翻試清冷一酌泉。

王將軍拔柵歌

王將軍真丈夫。從征緬甸常前驅。千七百里到宋賽。緬地名賊柵十六虎負嵎。我槍及柵不及賊。賊柵出槍偏着軀。相持三日未得便。飢鷹側腦需攪雛。元戎下令攻肉薄。萬衆牆排尙前卻。將軍是時心膽堅。挺身突出爲衆先。不我殺賊賊殺我。直騰而上呼震天。一人獨前萬人恥。多少健兒總拚死。接踵入柵捷若風。貪殺不追割左耳。但見片片霜刀飛。頃刻染成血花紫。羣蠻有刃不及交。鈍者被砍黠者逃。乘勢遂克賊柵四。其餘悉遁惟空巢。是時元戎親督戰。目睹先登識其面。呼來帳下問姓名。飛章亟奏南薰殿。天子非常賜顏色。小校超遷十二級。擢官游擊階將軍。孔雀修翎長一尺。三軍聞之權如雷。誰不橫戈思殲賊。我聞建德擊世雄。乘霧升寨稱奇功。又聞隋破高麗日。有肉飛仙擲自空。罕之摩雲百折上。開平采石一躍

衝如君矯捷好身手。古亦不多今豈有。君言非不畏戈鋌。朝廷公道驅甘捐。不見古來多浪死。沙場白骨誰爲憐。

鬘華山殺賊歌

征師師回賊躡尾。扎營猶距七八里。一朝師駐鬘華巔。賊乃近逼山半眠。此賊目中已無我。將軍見之怒如火。明晨要與賊死戰。人必帶血馬必汗。賊久識我軍令明。三吹筆築軍啓行。我軍啓行賊亦起。接踵來擾殿後兵。詰旦仍吹三筆築。銜枚卻伏箐林密。沸脣賊果漫山來。只道官軍去已畢。忽然一礮驚轟雷。萬衆突出山爲開。刀如旋風矢如雨。賊駭欲退身難回。乘高大呼何處走。截殺快於宰雞狗。矢無虛發輒貫胸。刀纔一揮已剝手。其有漏刃紛逃生。前人趾踏後人首。是時官軍氣益壯。賈勇疾追窮所向。殺死猶少壓死多。填滿山溝一千丈。噫嘻乎。人間戰功有如此。數典古來誰可比。叢射龐涓古樹下。生擒乞術二殺裏。蠢爾緬酋力幾何。敢復戴頭來送死。二詩白描處精神百倍正如史家敘鉅鹿昆陽之戰千載下猶有生氣德麟

高黎貢山歌

巨靈開荒劃世界。奇山驅出中原外。聽他豪距蠻徼中。負地掀天逞雄怪。高黎貢山潞江畔。萬仞孱顏插穹漢。我行起趁雞初啼。行至日午山未半。回視飛鳥但見背。俯瞰衆峯已在盞。雪經烈日晒不消。瀑作怒雷吼不斷。每上一層冷一層。夾衣旋把重裘換。無端嵐氣蒸蘊隆。幻出白霧粥而濃。手伸十指看不見。何

許厚翳將眼封。少焉罡風來一掃。了了仍露青芙蓉。五十三叅更難上。山上地名。線路盤旋臨榛莽。面真對壁何所叅。頭恐觸天不敢仰。危崖石裂藤絡罅。老樹皮皴虎磨癢。有時栖鶻憂長嘯。是處啼猿發哀響。自非人馬結隊行。賁育亦怯獨來往。何哉設險有此形。得非天以限邊庭。豈知氣運有開闢。形勝不得相關局。至今漸成康莊坦。早有結屋層椒青。層椒青青日西下。借問下山尙三舍。解鞍且就茅店眠。驚看繁星比瓜大。奇境。待雲松來開生面。枚。

夜行大箐中記所見

月黑山深路顛頓。瘴霧鬱蒸胸膈悶。暗箐陰森不知里。馬上凌兢不敢困。怪鴟聲如鬼叫號。山魃影與人揖遜。忽然一陣腥風來。萬木齊哮作濤噴。腰間撫劍聊自壯。背已汗流短衣褪。平明出尋旅店餐。虎爪攫門深數寸。

同璞函游杜鵑園作歌

騰越之花多杜鵑。杜鵑園更花駢闐。我來戎幕暫無事。況有勝友同流連。相邀聯騎看花去。城東十里地最偏。沿池環列十萬樹。無一雜樹參其間。低昂相映出浩態。爛熳不怕春風顛。竊紅濃紫色不一。淺深乃有六十餘種相爭妍。不暇細分別。一一索笑燭。但覺花光高出花頭四五尺。照人不覺紅兩顙。滿園豔彩晃不定。乃在無花之處烘雲烟。此卽徐熙妙手亦難寫。蘸筆徒費胭脂錢。一隊吳娃肉陣擁。三千隋女錦

纔牽笑。他空谷佳人。渺獨立。未免寒餓空嬋娟。天寒倚翠袖。何似袞衣炫服相新鮮。不意絕微中。有此巨麗觀。茲園若量移。得占中土地一阡。何減鄧尉之梅雪。成海武陵之桃花爲源。我爲作歌使之傳。毋令長此埋沒南荒天。

路南州食雞蹤

頻年葦食增減竈。牛吼飢腸苦難療。平夏偶然得蘆葍。已賽脣猩與胎豹。一朝幕府謝事歸。忽逢獮人擔上懸葍。非草非木非果實。兜羅綿軟脂肪肥。問名曰雞蹤。可食不能飛。呼童買得來。叩茅店扉。豈暇接取廚娘羊簽試方法。亦未飭下門生蟹糖議。是非漉之井華水。和以煮蒼豨。斯須來入老饕口。老饕驚歎得未有。異哉此雞是何族。無骨乃有皮。無血乃有肉。鮮於錦雉膏。腴於綿雀腹。只有嬰兒膚。比嫩轉覺妃子乳。猶俗此豈菜肚。老人所敢望。欲傲東坡羹糝玉。若使官膳日具雙。不愛家禽愛野蕪。我昔曾讀昌黎樹雞篇。只疑雞鳴上樹顛。今朝始得餐芳鮮。試爲徵厥類。大者如蓋小者錢。或產於石。或於土。或於荏竹松杉邊。狀如鳥者曰禽芝。食之可活數百年。得非仙之人。兮憐我久憔悴。錫我上藥壽命延。然而滇中瘴所起。生押不蘆毒無比。今我所食母乃是一笑姑聽之。古人有言。縱食河魴值一死。憶昔驅馬走塞上。曾獲銀盤蘆菇大如掌。何意蠻徼從軍還。復此雋味得欣賞。天南地北兩奇珍。不是塵勞安得熊魚坐兼享。獨憐十載走長途。似爲口腹營區區。他年歸作櫻筍會。好淪山中紅竹菇。

土歌

春三二月墟場好。蠻女紅妝趁墟。長裙闊袖結束新。不賭弓鞵三寸小。誰家年少來唱歌。不必與儂是中表。但看郎面似桃花。郎唱儂酬歌不了。一聲聲帶柔情流。輕如游絲向空裊。有時被風忽吹斷。曳過前山又嬋嬋。可憐歌闋臉波橫。與郎相約月華皎。曲調多言紅豆思。風光罕賦青梅標。世間真有無礙禪。似入華胥夢縹緲。始知禮法本後起。懷葛之民固未曉。君不見。雙雙粉蝶作對飛。也無媒妁訂羅幃。

元祐黨碑在桂林者今尙存沈魯堂太守搨一本見示援筆作歌

崇甯四年二月吉。臣京奉敕書黨籍。首編元祐終元符。所在郡司咸勒石。大書深刻何煌煌。執政待制分班行。事從章相初定案。七十三人已濫觴。子瞻儋州子由雷。分地各就名偏旁。茲更增列三百九。直空人國無留良。歿者追奪生者竄。并禁子孫仕朝堂。兼有曾持紹述議。亦得附驥分餘光。問胡作此一網計。衆正登朝我將棄。遂甘鑄鐵錯竟成。肯令死灰燄重熾。剪除異己期必盡。威福橫行乃無忌。太師原是一魔君。徐神翁語見錢氏私說謬托左元仙伯位。林靈素謂京爲左元仙伯見家世舊聞龍腦烟浮別院香。京焚香從別室透鵲羹命賤行廚味。京好食鵲羹夢鵲乞命見虛谷閒抄比鄰侍女知避名。薛肇明家婢知避京諱見燕閒常談天子姻家親賜醉。見太清樓侍宴記回視南遷諸黨人。瘴雨蠻烟葬無地。窮荒僦屋方坐愁。相府歌鐘正得意。豈知公道昭日星。錮之愈力名愈馨。朝端枉矜九州鼎。蔡確等鑄鼎列司馬光諸人名金人入碎之天下已誦千佛經。黨碑刻國子監有人題曰千佛名經見朱弁曲洧舊聞磨礪貞石妙鑄刻。翻似爲

作功德銘。嗚呼。權奸所爭亦細故。祇此目前富貴具。庸知數十年榮華。不過蜉蝣一日暮。何苦抵死讐正人。徒供千載嬉笑怒。冰山他日況崩摧。白頭也赴長沙路。桃花三樹詔勒回。京妾慕容氏三人隨南行。有旨追取以金人指索也。

見王明清揮塵錄。

東明佛燈黑如霧。

京死於長沙。東明寺見錢氏私誌。

一樣投荒作逐臣。剩比諸賢多臭腐。相傳星變已毀碑。此

碑何以完無虧。想因桂管地僻左。深巖無人施斧椎。碑陰不鐫刻工某。毋乃亦是安民爲。沈侯好古搨一紙。鐵畫銀鈎擅絕技。一點金鋒雖兆亂。京書王清宮額。玉字一點極險急。有道士曰。此點乃金筆而鋒銑侵王。見老學菴筆記。臨池功深特秀美。惜哉若亦作清流。故自不減蘇黃米。用書不下數十種。毫無補綴痕迹。是其心思筆力鎔鑄之妙。保泰。

李郎曲

李郎昔在長安見。高館張燈文酒醺。烏雲斜綰出場來。滿堂動色驚絕艷。得郎一盼眼波留。千人萬人共生羨。人方愛看郎顏紅。郎亦看人廣座中。一个狀元猶未遇。秋帆時爲舍人。被郎瞥睹識英雄。每當舞散歌闌後。

來伴書幃琢句工。畢卓瓮頭扶醉起。鄂君被底把香烘。但申嚙臂盟言切。并解纏頭旅食供。明年對策金

門射。果然榜發魁天下。從此雞鳴內助功。不屬中閨屬外舍。五花官誥合移封。郎不言勞轉謙謝。專恩肯

作鄭櫻桃。儘許後房多粉麝。狀元官貴擁高牙。匹馬相從萬里賒。爲聽甘涼邊曲好。相從學。幽官舍。當筵改學撥

琵琶。主人酬贈千金橐。幸客莊嚴七寶車。送上雲程心事了。忽傷老大苦思家。思家泣與東君別。歸到姑

蘇百花宅。舊時同伴見資多。誰不咨嗟眼光赤。豈知遊興猶未已。盡倒囊金買瑤碧。捆載巾箱過嶺來。昔

是玉人今玉客。

時販玉玩至粵

謁儂恰趁放衙早。不覺相迎。屣爲倒。通詞曾記托微波。欲卽仍離。郎太狡。往日挑

琴未目成。今朝擁幟偏人老。西子重逢范大夫。非復當時浣紗好。成陰樹已感司勳。轢釜聲兼記邱嫂。迴憶華年澹泊遭。編裒那禁私相惱。生平不喫懶殘殘。偏是人間禁樹難。初日杲蓮雖已褪。晚風緒柳尙堪攀。樽前軟語聊調笑。李下何妨一整冠。

絕世風情枚

石蟹

客來貽我兩郭索。石質天成不雕鑿。拳丁八跪臍雙尖。滿堂動色海物錯。堆盤正擬左手持。忽覺硃硃齒難嚼。雙螯執鉞尙如衛。一殼成匡不可斲。空煩門生議糖餠。枉勞饕子費糠粃。可憐彭越眞壯士。死骨千年猶峇嶸。斂盡橫行萬里心。化作一卷堅石魄。相傳產自崖州濱。寒沙所生本軟弱。出水則死不移晷。得風而硬已非昨。薦來鑑杓難淪羹。劑以刀圭堪入藥。能令昏目清障翳。兼療熱瘡去煩灼。蟹圖十二且未載。縱讀爾雅詎云博。始知化工固奇詭。繁夥未可臆見度。木浮乃有沉香堅。石沉乃有浮磬薄。食鐵之獸吐火雞。化蜃者雉變蛤雀。繁茲變幻何足異。水土陰凝成磊落。陋儒少見每多怪。說與但增心膽愕。毋怪片曆過函關。懸之戶楣可愈瘡。

端溪

扁舟晚泊羚羊峽口。閒訪端溪古石藪。前邨呼取老石工。爲余指點述縷縷。是山到處有硯材。文殊宣德皆

凡胎屏風背下穴三尺。乃是水巖宋所開。其中東洞勝西洞。洞內又分三層縫。上層簷燥下層腐。尤以中層爲貴重。雲氣水氣入石滯。石亦化作雲水腴。切以鵲鴛刀一片磨。以蚶蛇砂幾銖。嫩於三歲嬰兒膚。手一握之汗若酥。殺墨乃如磁吸鐵。研磨無聲雲自敷。數日不散光黯黯。宿墨一洗仍了無。斯爲品中最上。鵲斑鴛眼猶皮相。青花隱約差可憑。火捺有無不足尙。近來此坑亦漸空。非有大力難施功。澀水先費千人力。入竇要瘦七尺躬。燃燈在臍仰面鑿。一卷艱與尺璧同。我聞其言一笑歌。此州官場物力夥。何不結此翰墨緣。洞天割取紫雲朵。雖殊包老投石沉清冷。差比鬱林歸裝壓磊砢。

柳州

我聞吳中桑民懌。得官不赴柳州城。謂昔子厚擅其地。去恐掩卻前人名。斯言抑何過自譽。毋乃蚍蜉撼大樹。昔者東坡到嶺南。未聞潮州祧韓愈。將毋自揣實不如。翻作大言高自署。名士取名非一端。鈎奇弔詭多用權。遙望古人已不朽。附之者傳攻亦傳。郭象註莊固同久。劉幾糾史亦並縣。桑生用意蓋在是。乃詭不欲厄兩賢。後來文苑爲立傳。竟因斯語特著篇。此正文人狡猾處。被我說破不直錢。快論

古州諸葛營

我昔從軍走滇徼。所至俱有武侯迹。瀾滄西去到木邦。遺壘爭傳承相壁。永昌及木邦俱有諸葛營今來入黔首古州。又有營名表公額。夷攷當年用兵地。木鹿都魯極西磧。距此奚啻六千里。中有千山萬山隔。五月渡瀘七